

清季外交史精

卷二十一 外交史精

弟

十

四

精

讀書錄

卷之十  
十  
十  
十  
十

# 清季外交史料

附索引及西巡大事記



中華民國二十一年一月

總發行 王希隱

北平迺茲府關東甸七號

版權所有 翻印必究

清季外交史料卷二十七

光緒八年正月至四月

目錄

直督李鴻章奏請派員與巴西換約摺附上海正月初六日

使俄曾紀澤奏白彥虎竄入俄境俄國允加禁錮摺正月十八日

伊犁將軍金順等奏豫籌西北邊界分段查勘摺正月二十二日

新疆督辦劉錦棠奏俄商來新貿易應遵章查驗不得行銷中國土

貨摺正月二十七日

吉林將軍銘安等奏朝鮮貧民佔種吉林邊地妥議覆陳摺

二月初六日

總署奏遵議設所管理海參崴俄界華民摺二月初八日

使俄曾紀澤奏法人謀佔越南北境擬籌辦法摺三月初三日

桂撫慶裕奏豫防法人侵越一事已開導越使轉達國王片

三月初三日

直督李鴻章奏籌辦朝鮮與美國議定約稿請派員會辦摺

附條約三月初八日

桂撫慶裕奏法人圖佔越南北圻以侵滇疆摺

三月十三日

諭各省督撫法越兵端已起着妥議覆奏

三月二十五日

直督張樹聲奏法越交兵通籌邊備摺

附上海諭四月十四日

直督張樹聲奏請命岑毓英經理越南南圻片

四月十四日

代理粵督裕寬奏越南與法交涉請勿預其事片

四月十六日

總署奏新疆開埠中俄一律免稅摺

四月十八日

諭金順等向索還俄索倫右翼四旗等地方

四月二十日

禮部奏朝鮮與英國訂立修好通商條規摺

附咨文約章及照會四月二十二日

直督張樹聲奏英商包攬洋藥章程請飭總署核議摺

附章程四月二十二日

總署奏議覆英商攬辦洋藥事宜摺

四月二十六日

科布多辦事大臣清安額爾慶額奏俄兵入科先事籌備摺

四月二十六日

直督張樹聲奏朝鮮與美國立約事竣摺

四月二十六日

諭朝鮮請派使駐京着不准行

四月二十九日

桂軍攻陷英法兩國領事館北新以爲首領  
諭各省督撫法越天險已甚不復能守  
直督張樹珪奏法越交兵通籌邊防摺  
經督辦補遺封據京奏不詳詳開  
直督張樹珪奏陳辦與美國立條事  
探取走報軍大臣密交辦辦與奏辦  
辦署奏辦英商豐德公司案事宜  
直督張樹珪奏英商豐德公司案事宜  
直督張樹珪奏英商豐德公司案事宜

宣統元年四月二

清季外交史料卷二十七

黃巖弢夫王彥威輯

男希隱亮編

孫孝章敬立校

直督李鴻章奏請派員與巴西換約摺

附上諭

直隸總督李鴻章奏爲請旨欽派大臣與巴西國互換條約事竊查巴西國前派使臣喀拉多穆達等來華議約於光緒六年六月內奏奉諭旨派臣爲全權大臣與該使臣等會議商訂嗣因原訂約款內有應行商改之處復於光緒七年八月內經臣遵旨與喀拉多將兩國和好通商條約會議增改畫押蓋印並於約內第十七款載明俟兩國御筆批

准或在上海或在天津彼此即行互換迭經專摺奏明在案茲准巴西國使臣喀拉多照會兩國條約今奉本國外部電咨業經批准擬度本國約本不日可到照請訂明互換條約宜在何處等情前來臣溯查同治九年間丹荷比義奧等國先後遣使來華均蒙欽派全權大臣在天津議約嗣奉御筆批准有在上海互換者隨時請旨遵辦茲查喀拉多現在上海應否特派大員即在上海與之互換抑應飭令來津恭候欽派大臣互換之處臣未敢擅擬應據情請旨伏候命下即由臣照覆該使臣欽遵辦理並由總理衙門將此案條約原本發交換約之員祇領遵辦除照錄巴西使臣照會恭呈御覽外所有擬請派員互換條約緣由理合恭摺具陳謹奏光緒八年正月初六日奉上諭李鴻章奏請派

大員與巴西互換條約現該國使臣喀拉多已在上海即派譚鈞培將李鴻章上年與該國使臣會議所訂增改公同畫押條約與該使臣互換條約原本即着總理衙門發交譚鈞培祇領遵辦本日諭旨一道一併發往如該使臣索看憑據着譚鈞培另行恭錄給與閱看俟換約事畢此旨仍繳還軍機處備查

### 使俄曾紀澤奏白彥虎竄入俄境俄國允加禁錮摺

出使俄國大臣曾紀澤奏爲逆酋白彥虎等竄入俄國境內一案現接該國外部覆文允爲嚴加禁錮事竊臣於光緒七年六月二十五日承准總理衙門咨開光緒七年四月十七日奉上諭劉錦棠奏首逆逋誅請飭使臣向俄理論解送懲辦一摺劉錦棠以曾紀澤已與俄國另立

新約白逆等如何交出未聞議及急應執約理論不可置之度外等因  
欽此七月二十八日照會俄國外部請其按照成約將該逆犯刻日交  
還並於閏七月初三日附片陳奏聲明俟接該國確實覆文再行據實  
覆奏請旨定奪茲接該國外部覆稱白彥虎等犯係屬公罪不在條約  
所載之列雖該犯所爲之事本國已深惡之然不得不認各國容留公  
罪之例惟本國亦不得不認其責成設法防範以杜越界謀爲不軌情  
事是以本國飭將白逆彥虎禁錮於距離中國邊界較遠之地嚴加管  
束如此辦理諒貴國國家洞悉原委必以爲然而本國設此嚴防免致  
白彥虎等再滋事端係爲寧謐中國邊疆起見務望鑒察此情當必愜  
意等語照覆前來臣前於本年七月初間未經赴俄換約之先曾經函

告總理衙門聲明西洋公例於尋常命盜各犯立有條約者莫不互相交還獨於稱兵之逆首則公罪目之謂稱亂者衆爲之首者非一人之私故各國從無交還之事再四思維於索還白逆等犯不敢謂據有把握嗣接該衙門函覆以西洋既有此公例誠恐難與爭辯但期眞能禁錮永不令爲邊患等語此次俄國外部照覆與總理衙門所言情勢尙屬相同應否請旨飭下督辦新疆軍務大臣劉錦棠等將此案作爲了結之處伏候聖裁除將俄國外部照會譯漢鈔稿咨呈總理衙門查核外謹恭摺陳謹奏光緒八年正月十八日奉旨該衙門知道

伊犁將軍金順等奏豫籌西北邊界分段查勘摺

幫辦軍務大臣伊犁將軍金順伊犁參贊大臣升泰奏爲豫籌西北邊

界亟宜分段查勘籲懇天恩添派大臣分任其事以期妥速事竊奴才等於光緒七年十一月二十六日承准總理衙門咨准俄國凱署大臣照稱自塔爾巴哈臺起至納林止一段派署七河巡撫格李索伏斯奇與參贊鐵克咩捏伏俱作爲該處分界大臣其自納林西南至本國境邊交界一段派霍罕省巡撫咩登斯克及副將噶納伏俱爲該處分界大臣相應將此電報行知等因准此奴才等伏思分界事宜關係久遠非親身週歷查勘難期詳審況中外交涉又不容稍緩時日邊地冬雪深厚春暖較遲三四月間始能消化一年之中惟夏秋兩季山路方覺可行計塔爾巴哈臺至納林自納林至喀什噶爾延袤數千里其間曲折灣環險峻難行之處尙多奴才升泰獨任其事誠恐趕辦不及稍有

遲誤彼族藉口難保不枝節旁生奴才等再四熟商伊犁塔爾巴哈臺喀什噶爾三處界址非各分地段不能迅速歲事奴才升泰屆時先赴伊犁接收後俟三四月間雪消路出卽會同俄官自伊犁迤北與塔爾巴哈臺毗連之哈布塔蓋沁碼蘭等山起迤邐西南直至納林一段按照輿圖將沿邊界限詳細勘分其塔爾巴哈臺喀什噶爾兩處可否仰懇天恩俯念中俄界務關係綦重迅賜添派分界大臣二員各按地段會同俄國所派分界大臣查勘分割以期無誤如蒙俞允再由奴才等按照總理衙門繪寄輿圖另繪二分咨送該大臣等遵照妥慎辦理謹奏光緒八年正月二十二日奉旨

新疆督辦劉錦棠奏俄商來新貿易應遵章查驗不得

### 行銷中國土貨摺

督辦新疆軍務劉錦棠奏爲俄商來華往新疆貿易應遵查驗不得行銷中國土貨以符約章事竊臣前准總理衙門遞到中俄和約當經分別咨行遵辦在案近准伊犁將軍臣金順咨稱現議交收伊犁俟收城後劃界通商當次第舉行等語大凡商務所關固應早爲議定通飭諭知俾兩國皆有遵守一經開辦庶幾免觸禁令弭釁端即以固和好是亦重邦交之道也臣維新疆各城久已設局抽收稅釐商貨出入必須查驗始准銷售今俄商運貨進卡如至新疆有稅局地方自應呈請查驗於貨包上蓋用查過戳記方可行銷如未銷完應赴別處亦應將銷過貨物開註單內呈局查明蓋戳放行續至有稅釐局之處均應照此

辦理倘貨照不符卽送交俄官區處以杜包庇販運情弊約章載有專條在中國順事恕施不過略增繁費而俄人甫經入市詎必盡悉約章若待臨時分辯致起爭執不如由俄官早自傳知務使各遵成約迨至進卡即踵而行之以是爲固然而無所遲阻於行商豈不甚善條約又載俄商辦運中國土貨由恰克圖及新疆回國特將回國二字標明則在中國途間只書經遵查驗以防夾帶私貨原無准其行銷之理就令已運出卡亦不得由陸路復運進卡詳考舊章有由江海辦運中國土貨復運內地銷售之說而無自俄販運中國土貨由陸路復進口內銷賣明文凡新約所未改者皆可仍舊照行而俄國邊界商民皆不知此往往將中國土貨復運進口雖經在事各員頻令折回似仍於義未曉

此事於華商大有關礙所以然者華商完釐次數多而成本重俄商完釐次數少而成本輕故未可任其運銷致妨華商生計耳俄官應將和約宣告該國官商於辦貨時加意斟酌遇有此等土貨幸勿錯誤再行購買販運前來則可免其阻滯折耗爲益實不少也合無仰懇飭下總理衙門照會俄國駐京使臣移知該國官員一律照辦以符約章而保商本謹奏光緒八年正月二十七日奉旨該衙門知道

吉林將軍銘安等奏朝鮮貧民占種吉林邊地妥議復

陳摺

吉林將軍銘安幫辦吉林邊務大臣吳大澂奏爲朝鮮貧民占種吉林邊地遵旨妥議覆陳事竊准軍機大臣字寄光緒七年十一月二十四